

112 年全國語文競賽原住民族語朗讀 【拉阿魯哇語】 國中學生組 編號 2 號

atuatuhlungaku

acancancihli cucu'u, rianupiuacaniatuhlungusaliri, salirisa,
acancancihlina, tamuucumavacangu, akukumainimana, kihlahlamua,
ama'aihlaku, atuatuhlungasalirinaia, ihlaisesa patukutukukacucu'u, maci
uka'a, atuatuhlunga, uka'acua siangusipia cucu'una, kihlahlamua ina'a
ihlaku, salirinaia, ausi takaukau maru langica mipipihlihli, hlapati
asangalu hla tam langulangu, masipuamiaku silirina, manikiku macuisa, hla
tam paranganutuku, miacucucungumuakuatuatuhlunga salirina, hlakua
salisia sala'a uamia, tumuaumarua lu'uhlarahlungapulihlu, manikikutaia,
atuatuhlungaku, mairahluatikikumailalungusumicucunguhlu patukutukaku.

ma ariakasukasurumahlu, ama'a ina'a hlatumua pakiatarari ihlaku.
mavacanguariataisana, kuanaupakipuhlumanganuisa, angahli kana'a,
mataingalicuaku, pautuamacu atuatuhlunga saliri takacici, karukuhlukumita,
ahlaluahlahlusa, ahlalua ahlaina, musa kirakakua, ariataisana,
mataingalicuaku pautuhlangi, ariataisanaia, ihlaisesa mavacangu parana
musuturu matumuhlu tarutatukuhlu sipasamia,
ausiatikikuhlimalusapunalangica.

kuiangutuhlu muluvuihlaku arataisa, maracani pakiaturuaia,
ihlaisapatukutukaku, matikikuia, pakiaturua tam puavahli, pakiaturua tam
pasamanganu, pakiaturua tam pacucupungu, pakiaturua tam hliulavalava,
marumaci maruiacucunguhla, atuatuhlungana, tarua tuahlukia langulangu,
taia kumiasau, kani'i ausi marua vahliungu kiahlahlamuihlaku,
kamiciukuariarinuku, uruahluahlu, maimamacupasamanganuia,
rianu uka'akuparamacu.

marumaci, muluailiaku hlitakumacua cucu'u,
marumacimiavauvauhliahlumiakia, kupaiaiahlul, hlamarua, atuatuhlungaku,
kana'aia uka'a mualihluisana, atuatuhlunga, uka'a
usumanu tuahluamativalusipamiaku, marumiasitahlamiamiaku,
pahuailihlipasasapua takacicihli, pasakamusu langulangu,
tumamahlungucani pakaritukuhlahlita'ia, ulavaisa tuahluaku
tukurutakulupungu mairahlu atuatuhlungakusaliri.

我的夢想

每個人都有一個夢想。爸爸說，夢想是人生的目標，沒有夢想就沒有人生；媽媽說，夢想是飛翔的老鷹，很難捉住。夢想雖不真實，卻令人充滿鬥志。我一直在追逐夢想的路上，道路很顛簸，淚水和汗水是最大的付出。我的夢想雖然不大，但我充滿著想追求的心。

國小時，爸媽希望我能考上好大學。從那時起我便確信自己的夢想。每當看見兄姊們走進大學校園，我更加確認大學是豐富多彩的地方，是我心中那個夢寐以求的天堂。

長大後，成為一位老師就是我的目標。我心中的老師很偉大、很聰明也很厲害。逐夢過程有時會遇到困難，讓我想放棄。這時仿佛有個聲音說，只要不氣餒、不喪氣，一切都有可能。

有時羨慕別人的成就，有時抱怨命運的不公平；但我有一個無可取代的夢想。我會用盡辦法，記取每一次失敗並克服自己，創造一個奇蹟，最後一定能完成心中的夢想。